



ЗАСГИЙН ГАЗРЫН ТОХИРУУЛАГЧ АГЕНТЛАГ
**БИЕИЙН ТАМИР, СПОРТЫН УЛСЫН ХОРООНЫ
ДАРГЫН ТУШААЛ**

2021 оны 05 сарын 18 өдөр

Дугаар A/142

Улаанбаатар хот

┌ Түр журам батлах тухай ┐

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4 дэх хэсэг, Улсын онцгой комиссын даргын 2021 оны 41 дүгээр тушаалаар баталсан “Коронавируст халдвар (Ковид-19)-аас сэргийлэх арга хэмжээг зохион байгуулах түр журам”-ыг тус тус үндэслэн ТУШААХ нь:

1. “Биеийн тамир, спортын улсын хороонд (Ковид-19) цар тахлаас урьдчилан сэргийлэх арга хэмжээг зохион байгуулах түр журам”-ыг хавсралтаар баталсугай.
2. Журмыг хэрэгжүүлж, дагаж мөрдөж ажиллахыг Биеийн тамир, спортын улсын хорооны нэгжийн дарга нар, нийт ажилтан, албан хаагчдад үүрэг болгосугай.
3. Тушаалын хэрэгжилтийг хангаж, хяналт тавьж ажиллахыг Төрийн захиргааны удирдлагын газар /Г.Одбаатар/-т даалгасугай.

ДАРГА



Ц.ШАРАВЖАМЦ

122101527

Биеийн тамир, спортын улсын хорооны
даргын 2021 оны 05 сарын 18 өдрийн
А.Н.Н.2 тушаалын хавсралт



**БИЕИЙН ТАМИР, СПОРТЫН УЛСЫН ХОРООНД “КОВИД-19” ЦАР
ТАХЛААС УРЬДЧИЛАН СЭРГИЙЛЭХ АРГА ХЭМЖЭЭГ
ЗОХИОН БАЙГУУЛАХ ТҮР ЖУРАМ**

Нэг. Нийтлэг үндэслэл

1.1. Коронавируст халдвар /Корона-19/-аас сэргийлэх арга хэмжээг зохион байгуулах түр журмын зорилго нь Коронавируст халдвараас урьдчилан сэргийлэх, төрийн байгууллага, иргэн, хуулийн этгээдийн үйл ажиллагаанд халдвар хамгааллын дэглэм сахиулах, ажил үйлчилгээг хэвийн явуулах нөхцөлийг бүрдүүлэхэд оршино.

1.2. Биеийн тамир, спортын улсын хороо /байгууллага/, түүний ажилтан, албан хаагчид нь энэхүү журмыг дагаж мөрдөн ажиллана.

Хоёр. Коронавируст халдварын үед байгууллагын зүгээс хийх зохион байгуулалтын арга хэмжээ

2.1. “COVID19 QR verify” аппликейшныг татан авч нийтэд ил, хяналт тавьж болохуйц газар байршуулах, QR кодыг уншуулж нэвтрүүлэх;

2.2. Иргэдэд үйлчлэх цэгт эсвэл гадаа хаалганы дэргэд биеийн халуун хэмжигч болон гар халдваргүйжүүлэх уусмал байршуулах, ажилтан, албан хаагчдын биеийн дулааныг тогтмол хэмжиж байх;

2.3. Ажилтан, албан хаагчдын биеийн дулаан 38 хэмээс дээш байх, амьсгалын замын цочмог халдварын шинж тэмдэг (толгой өвдөх, ханиах, найтаах, хамраас нус гоожих) илэрсэн тохиолдолд гэрт нь буцаах, эрүүл мэндийн байгууллагад хандахыг зөвлөх;

2.4. Байгууллагын нэгдүгээр давхарт гарах хаалганд хамгийн ойр байрлах хэсэгт байгалийн агааржуулалттай “түр тусгаарлах өрөө”-г бэлтгэж, цэвэр ус, нэг удаагийн аяга, цаасан алчуур, ариун цэврийн цаас, хогийн уут, гар халдваргүйжүүлэгч байршуулах;

2.5. Түр тусгаарлах өрөөнд хэрэглэх эмнэлгийн анхны тусламжийн иж бүрдэл, хамгаалах хувцас хэрэгсэл (амны хаалт, нэг удаагийн халаад, бээлий, улавч, нүдний шил, нүүрний хаалт, малгай) асуумж хуудас, халдваргүйжүүлэх уусмалтай шүршигч сав, гар халдваргүйжүүлэгчийг бэлтгэх;

2.6. Халдварын сэжигтэй тохиолдлыг түр тусгаарлах ажлыг зохион байгуулах ажилтныг томилж, ажиллах зааварчилгаа (мэдээлэл дамжуулах урсгал, авах арга хэмжээ) өгсөн байх;

2.7. Байгууллагад “Ковид-19”-ийн сэжигтэй тохиолдол илэрсэн тохиолдолд Улсын онцгой газрын даргын “Түр журмыг шинэчлэн батлах тухай” 2020 оны 41 дүгээр тушаалын 6 дахь хэсэг /Сэжигтэй тохиолдол илэрвэл авч хэрэгжүүлэх арга хэмжээ/-т заасны дагуу зохион байгуулалтын арга хэмжээ авч ажиллах;

2.8. Байгууллага дотор ариун цэвэр, халдвар хамгааллын дэглэмийг мөрдүүлж, халдваргүйжүүлэлтийг журмын дагуу хийх, үйлчилгээний албан хаагчдыг ариутгал, цэвэрлэгээний материалаар тогтмол хангах;

2.9. Байгууллагын нийт ажилтан, албан хаагчдын эрүүл мэнд, дархлааг дэмжих, стрессгүй орчныг бүрдүүлэхэд онцгой анхаарах, гар халдваргүйжүүлэх уусмал, амны маскаар хангах ажлыг шат дараатай хэрэгжүүлэх;

2.10. Халдвараас урьдчилан сэргийлэх амны хаалт зүүх, зай барих, гараа угаах, халдваргүйжүүлэх санамж, зөвлөмж, тэмдэг, тэмдэглэгээг үйлчилгээний танхим, албан тасалгаа, ариун цэврийн өрөөнд хүний нүдэнд ил харагдахуйц газарт байршуулах;

2.11. Засгийн газар, Улсын онцгой комиссоос гаргасан шийдвэрийг үндэслэн байгууллагын ажилтан, албан хаагчдын тодорхой хувийг гэрээс цахимаар ажиллах боломжийг бүрдүүлж, ажиллах хуваарийг гаргаж, ээлжээр эсвэл богиносгосон цагаар ажиллуулах зэргээр ажлын байрны нягтралыг бууруулах, ажлын байранд хүний бөөгнөрөл үүсгэхгүй байх талаар тодорхой шийдвэр гаргаж ажиллах;

2.12. Коронавируст цар тахлын халдварын үед халдварын сэжигтэй иргэнийг байгууллагад нэвтрүүлэхгүй байх, сэжигтэй тохиолдол илэрсэн үед халдвараас сэргийлэх зорилгоор тухайн иргэнийг түр тусгаарлах;

2.13. Байгууллагаас зохион байгуулах хурал, зөвлөгөөн, уулзалт зэргийг цахимжуулах, албан хаагчид байгууллага дээрээ гадны хүн урихгүй цахимаар харилцах, өрөө тасалгаанд халдвар хамгааллын дэглэмийг мөрдүүлэх талаар байнга анхааруулж байх;

Гурав. Ажилтан, албан хаагчдын эрх, үүрэг.

3.1. Халдвар хамгааллын дэглэм сахихыг тухайн байгууллага, эрх бүхий албан тушаалтнаас шаардах эрхтэй;

3.2. Халдвар хамгааллын дэглэмтэй холбоотой зөвлөмжийг мэргэжлийн байгууллагаас авах эрхтэй;

3.3. Халдвар хамгааллын дэглэм сахиулахтай холбоотой асуудлаар гомдол гаргах, мэдээлэл өгөх эрхтэй;

3.4. Засгийн газар, Улсын онцгой комисс, мэргэжлийн байгууллага, Биеийн тамир, спортын улсын хорооноос гаргасан шийдвэр, заавар, зөвлөмж, үүрэг даалгаварыг дагаж мөрдөх, хэрэгжүүлэх;

3.5. Гадны байгууллагын ажилтан, иргэнийг албан байгууллага дээрээ урихгүй байх, зайлшгүй тохиолдолд нэгдүгээр давхарт очиж хүн хоорондын зай барьж уулзах, албан ажил гүйцэтгэхдээ аль болох цахимаар, утсаар холбогдож ажиллах;

3.6. Халдвар хамгааллын дэглэмийг сахиж мөрдөх; /амны хаалт зүүх, хүн хоорондын зай барих, ариун цэвэр, халдваргүйжүүлэлт тогтмол хийх, гараа тогтмол угаах, агаар сэлгэх гэх мэт./

3.7. Ажилтан, албан хаагчид биеийн дулаанаа байнга хэмжих, амьсгалын замын цочмог халдварын шинж тэмдэг илэрвэл нэгжийн даргад мэдэгдэн чөлөө авч гэртээ өөрийгөө тусгаарлах, эрүүл мэндийн байгууллагад хандах;

3.8. Хувийн ариун цэврийг сайтар сахих, эд зүйлсээ солилцохгүй байх, хүн хоорондын зай барьж мэндчилэх, байгууллагын өрөө тасалгаагаар хэсэхгүй байх, хүний бөөгнөрөл үүсгэхгүй байх, байгууллагын ариун цэврийн өрөөг зүй зохистой ашиглах;

3.9. Өөрийн ажлын ширээ сандал, компьютер, шүүгээ зэрэг албан тасалгаан дахь эд зүйлийн гар хүрэх гадаргууг 2 цаг тутамд цэвэрлэн халдваргүйжүүлэх;

3.10. Ажлын цаг, ажиллах горимд өөрчлөлт орсон тохиолдолд байгууллагын удирдлагаас гаргасан шийдвэрийг дагаж мөрдөх, цахимаар гэрээсээ ажиллаж байгаа тохиолдолд гадуур сэлгүүцэхгүй, айл хэсэхгүй, зочин урихгүй байж, мэргэжлийн байгууллагаас гаргасан заавар, зөвлөмжийн дагуу халдвар хамгааллын дэглэм баримтлах;

3.11. Улсын онцгой комиссын даргын 2021 оны 42 дугаар тушаалаар батлагдсан “Хот болон орон нутаг хооронд зорчих иргэдийн хөдөлгөөнийг зохицуулах түр журам”, 43 дугаар тушаалаар батлагдсан “Гэрийн ажиглалтын үйл ажиллагааг зохицуулах түр журам”, “Тусгаарлан эмчлэх үйл ажиллагааг зохицуулах түр журам”-ыг дагаж мөрдөж ажиллах;

3.12. Албан үүргээ хэрэгжүүлэх явцдаа энэхүү журмыг зөрчсөн төрийн албан хаагчид Төрийн албаны тухай, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуульд заасан хариуцлага ногдуулна.